

## YOSHLAR O'RTASIDA IJTIMOY-SIYOSIY FAOLLIKNI OSHIRISHNING DOLZARB MASALALARI

**Temur Yo'ldoshov Matkarim o'g'li,**

Berdaq nomidagi Qoraqalpoq davlat  
universiteti 1-bosqich Magistranti

**Iroda Mavlonberganova Ilhomjon qizi**

Ajiniyoz nomidagi Nukus davlat pedagogika  
instituti 1-bosqich Magistranti

### ANNOTATSIYA

*Yoshlarni ijtimoiy-iqtisodiy va siyosiy-ma'naviy sohalaridagi mavqeini kuchaytirish - Yangi O'zbekistonni barpo etishimizda juda dolzarb masaladir. Harakatlar Strategiyasini biz bosqichma-bosqich amalga oshirmoqdamiz. Ijtimoiy sohani rivojlantirishdagi yo'nalish-yoshlarga oid davlat siyosatini takomillashtirishda - biz avvalo ularni jismonan sog'lom, ruhan tetik, dunyo qarashi keng, zamonaga mos, hamnafas fikrlaydigan, Vatanga sodiq tarbiyalash bilan birga demokratik islohotlarni olib borilmoqda. Buning isboti sifatida 2017-yilning 19-sentyabrida O'zbekiston Respublikasi Prezidenti BMT Bosh Assambleyasida yoshlar huquqlarini ishonchli himoya qiluvchi mexanizmni tashkil etishda BMTning "Yoshlar huquqlari to'g'risida"gi xalqaro Konvensiyasini ishlab chiqish va qabul qilish tashabbusini oldinga surdi. Ushbu g'oya jahon hamjamiyati tomonidan dolzarb masala sifatida qabul qilinib, qo'llab quvvatlanganini aytish mumkin.*

### KEY ISSUES OF INCREASING SOCIAL-POLITICAL ACTIVITY AMONG YOUTH

**Temur Yoldashov Matkarim o'g'li,**

Berdak Karakalpak State University

1st stage Master's student<sup>(1)</sup>

**Iroda Mavlonberganova Ilhomjon qizi**

Nukus State Pedagogical Institute named after

Ajiniyaz, 1st stage Master's student<sup>(2)</sup>

**ANNOTATION**

*Strengthening the position of young people in socio-economic and political-spiritual spheres is a very urgent issue in the construction of New Uzbekistan. We are implementing the Action Strategy step by step. In the improvement of the state policy regarding the development of the social sphere, we first of all educate them to be physically healthy, mentally fresh, have a broad outlook on the world, adapt to the times, think in harmony, and are loyal to the Motherland, and democratic reforms are being carried out. As a proof of this, on September 19, 2017, the President of the Republic of Uzbekistan advanced the initiative to develop and adopt the UN International Convention "On the Rights of Youth" in the UN General Assembly to establish a reliable mechanism for the protection of youth rights. It can be said that this idea was accepted and supported by the world community as an urgent issue.*

Yoshlar faolligini oshirish mamlakatimizning taraqqiyotining muhim omilidir. O'zbekiston aholisining salmoqli qismi yoshlardan iborat bo'lib, ular mamlakatning buyuk kelajagini ta'minlashning kafolati sifatida xizmat qiladi. O'zbekistonning ulkan salohiyati bugungi kunda hal qiluvchi kuch bo'lib ijtimoiy hayotga kirayotgan, zamonaviy bilim va kasb-hunar sirlarini puxta egallagan, navqiron yoshlar timsolida yaqqol namoyon bo'lmoqda. Mamlakatimizning ertangi kuni, jamiyatda o'zgarishlarga sabab bo'ladigan, bunyodkorlik g'oyalarini hayotga tatbiq etuvchi muhim kuch, ma'naviy salohiyatli resurs hisoblangan yoshlarni ma'naviy va ijtimoiy jihatdan qo'llab-quvvatlash, jamiyatda munosib o'rin egallashlariga qulay shart-sharoit yaratish orqali ularni yurt taqdiri va kelajagini hal qiluvchi katta kuchga aylantirish har

birimizning muhim vazifalarimizdir. O'zbekiston Respublikasi Prezidenti Sh.Mirziyoyev ta'kidlanidek, "Biz yoshlarga doir davlat siyosatini hech og'ishmasdan, qat'iyat bilan davom ettiramiz. Nafaqat davom ettiramiz, balki bu siyosatni eng ustuvor vazifamiz sifatida bugun zamon talab qilayotgan yuksak darajaga ko'taramiz. Yoshlarimizning mustaqil fikrlaydigan, yuksak intellektual va ma'naviy salohiyatga ega bo'lib, dunyo miqyosida o'z tengdoshlariga hech qaysi sohada bo'sh kelmaydigan insonlar bo'lib kamol topishi, baxtli bo'lishi uchun davlatimiz va jamiyatimizning bor kuch va imkoniyatlarini safarbar etamiz". Mamlakatimizda yoshlarni milliy an'ana va qadriyatlarimizga hurmat, insonparvarlik va vatanparvarlik ruhida tarbiyalash, ma'naviy salohiyatli va jismonan sog'lom avlodni voyaga yetkazish, ularning huquq va manfaatlarini himoya qilish borasida amaliy ishlar amalga oshirilmoqda.

2017-2021-yillarda O'zbekiston Respublikasini rivojlantirishning beshta ustuvor yo'nalishi bo'yicha Harakatlar strategiyasi demokratik davlat qurish va fuqarolik jamiyatini rivojlantirish borasidagi islohotlarda yoshlar faolligini oshirish bilan bog'liq bir qator yangi va muhim vazifalarni belgilab berganini alohida qayd etish joiz. O'zbekiston Respublikasining "Yoshlarga oid davlat siyosati to'g'risida"gi Qonuni bugungi davr talablariga mos ravishda har tomonlama barkamol, mustaqil fikrlaydigan, mamlakatimiz istiqboli uchun mas'uliyatni o'z zimmasiga olishga qodir, tashabbuskor, xalq manfaati yo'lida bor salohiyatini safarbar qiladigan, shijoatli yoshlarni tarbiyalash, ularning intellektual va ijodiy salohiyatini ro'yobga chiqarish uchun mustahkam huquqiy poydevor yaratildi. O'zbekiston Respublikasi Prezidentining "Yoshlarga oid davlat siyosati samaradorligini oshirish va O'zbekiston yoshlar ittifoqi faoliyatini qo'llab-quvvatlash to'g'risida"gi Farmoni qabul qilindi. O'zbekiston "Milliy Tiklanish" demokratik partiyasining "Yoshlar Qanoti" dasturi: "Kuchli davlatdan – kuchli jamiyatga" bosqichma-bosqich o'tish tamoyiliga amal qiladi va shu asosda yoshlar ishtirokida milliy an'analarga va umuminsoniy qadriyatlarga aylangan tuyg'ularga asoslangan adolatli fuqarolik jamiyatini shakllantirishda faol ishtirok etish; ijtimoiy-siyosiy jarayonlarda yoshlarning faol ishtirok etishini ta'minlash

va shu orqali jamiyat hayotiga ijobiy ta'sir ko'rsatish, o'z g'oyalari, maqsadlari, vazifalari va qarorlarini keng jamoatchilik o'rtasida targ'ib qilish; yoshlarning O'zbekiston Respublikasi Konstitusiyasi va qonunlarida belgilangan huquqlarini himoyalash, ularning hayotiy ehtiyoj va manfaatlarini ifodalash, yoshlar muammolariga oid dasturlarni ishlab chiqish va hayotga tadbiq etish; yoshlarning mamlakatda kechayotgan ijtimoiy-siyosiy jarayonlardagi faol ishtirokini har tomonlama qo'llab-quvvatlash hamda fidoiy, intellektual salohiyati yuqori yoshlarning davlat boshqaruvidagi vazifalarni egallashlari uchun sharoitlar yaratishda ko'maklashish; Vatan ravnaqi, millat manfaatlarini oliy maqsad va manfaatlaridan ustun deb bilgan, "O'zbekiston – kelajagi buyuk davlat" va "Buyuk kelajakni fidoiy yoshlar yaratadi" g'oyalari sodiq yoshlarni jipslashtirishdir. Prezidentimiz Shavkat Mirziyoyev BMT Bosh Assambleyasining 72-sessiyasidagi nutqida: "Bugungi dunyo yoshlari – son jihatidan butun insoniyat tarixidagi eng yirik avloddir, chunki ular 2 milliard kishini tashkil etmoqda. Sayyoramizning ertangi kuni, farovonligi farzandlarimiz qanday inson bo'lib kamolga yetishi bilan bog'liq. Bizning asosiy vazifamiz– yoshlarning o'z salohiyatini namoyon qilishi uchun zarur sharoitlar yaratish, zo'ravonlik g'oyasi "virusi" tarqalishining oldini olishdir. Buning uchun yosh avlodni ijtimoiy qo'llab-quvvatlash, uning huquq va manfaatlarini himoya qilish borasidagi ko'p tomonlama hamkorlikni rivojlantirish lozim, deb hisoblaymiz" deb ta'kidlab o'tgan. Yoshlarning ijtimoiy-ma'naviy faolligini oshirish, kitobxonlik madaniyatini yuksaltirish, milliy adabiyotimiz va jahon adabiyotining eng yaxshi namunalarini keng targ'ib qilish, milliy o'zlikni anglash, Vatanga muhabbat va uning taqdiriga daxldorlik, fidoyilik hissini qaror toptirish har birimizning asosiy burchimizdir. O'zbekiston sharoitida yoshlar bilan ishlash, yoshlarning siyosiy, huquqiy ongi va madaniyatini yuksaltirish, ularni siyosiy jarayonlarga faol jalb qilish, yoshlar tadbirkorligini rivojlantirish, yoshlarga oid davlat siyosatini amalga oshirishning moliyaviy mexanizmlarini takomillashtirish yuzasidan ilmiy-nazariy qarashlar, uslublarni amaliyotga joriy etishning oson yo'llarini ishlab chiqish vazifasini bajarish muhim sanaladi.

**FOYDALANILGAN ADABIYOTLAR**

1. *“O‘zbekiston Respublikasini yanada rivojtirish bo‘yicha harakatlar strategiyasi to‘g‘risida”gi PF-4947 sonli farmoni.*
2. *O‘zbekiston Respublikasining “Yoshlarga oid davlat siyosati to‘g‘risida”gi qonuni*
3. *N. Jo‘rayev. Yangilanish kontsepsiyasi: yaratilishi, evolyutsiyasi va amaliyoti. – T.: Ma‘naviyat, 2002.*